


上毛百人絶句



紅印

上毛百人絶句

賜白鬚

賜白鬚

明治戊申
暢月開雕

上毛百家絕句序

上毛之詩自上毛野穎人訖長谷川域一千年于茲其間麗藻彬彬傳于世者不尠矣殊至近世則風雅勃興名家輩出或使片山世璠擅才於赤羽社或使市川世寧主盟於江湖社焉於是乎上毛之詩始完矣宜哉今之作詩者能承其流風遺韻也頃者星野意誠千輝伯陽兩氏選上毛百人絕句來索余言就而讀之中有過世璠者焉有勝世寧者焉可謂先獲余心矣如是則上毛之詩夫愈

完歟乃記之爲序

明治戊申初冬

香雨篠原 叶 撰

上毛百人絕句例言

- 一 是書就我上毛作家詩每一人限七言絕句一首選擇其醇之醇者輯以成書名曰上毛百人絕句若夫選擇一從吾所好耳讀者諒焉
- 一 輯次仍得稿順序也
- 一 詩不施圈點不加評語要在倣古書之例
- 一 書尾贅拙詩唯欲附驥尾耳非敢以作家自居也

明治戊申暢月

星野龜雄
千輝 仙 識

上毛百人絕句目錄

樋口木石	塚越二堂	毛呂桑陰	木暮棠蔭	白石紫洲	黑田如雲	中島楨窓	松村琴莊	松本宏洞	高岡白鳳
神保松陰	豊國覺堂	栗原藏六	佐藤紫雲	岡田鶴年	大澤古竹	高津晚香	赤堀泰船	田島霞山	中島琴城
間庭靜園	佐藤回天	水谷碧山	原田湖山						

峯 雲涯
櫻井醒軒
千葉杏村
岡田素洲
美谷島弄雲
小林松松
萩原關山
大館鼎峰
町田鳳堂

武井梅軒
松本睡庵
內山宜言
水原翠園
堀口南風
須田塵外
朝比奈櫻軒
平田露秀
雨宮芙蓉

廣瀨柏軒
鈴木雪爪
庭屋耕桑
水原如洗
武藤雲村
清水葦洲
宮田嵐峽
荻野鷗村
牛口卓堂

中村釣舟
關口赤城
高橋岸舟
加藤回山
關 睢洲
植竹古狂
茂木太華
高橋秋村
久保瀨堂

金子文山
木暮鳳山
大澤翠嶽
菊池翠雲
森 無絃
小屋玉堂
里見竹波
松林知正
柴田兩坪

保阪甕泉
山田香畦
戶塚鶴陵
進藤香軒
高井鶴巢
田村妙岳
上原清齋
淺田靜堂
岡 桐坪

湯淺桃陰
武藤文淵
入澤巍堂
小林南湖
佐藤西洲
狩野櫻宇
細谷廉齋
星野斗北

原澤樂山
狩野秀竹
岡田琴城
齋藤春山
廣瀨桃陵
山本秋古
篠原香雨

新井不朽
一色愛竹
岩瀨芳洲
天野城陽
久保麓南
生澤梅青
千輝李山

四

上毛百人絕句

上毛

斗北星野龜雄
李山千輝仙
選

恭祝明治乙巳天長節

琴莊松村芳

碓氷郡
原市人

劍佩盈朝萬歲稱凱旋諸將氣龍騰菊開上苑文
於錦黼黻皇猷壽中興

望天燭峰

宏洞松本

詢

佐波郡
豐受人

憶昔神仙夜會茲至今殘蠟尙無移區區豈點人
間火天燭高明照世時

恭奉勅題賦得松上鶴

蕉屋高岡白鳳

前橋人

丹頂縞衣翔曉風遙傳清唳旭光濃知其所止蹤
高尚上是青天下綠松

賴三樹先生五十回忌辰展遺墨有作

檣窓中島祐

佐波郡
赤堀人

妖雲吹雨逸驕鯨匣裏寶刀空有聲無怪天恩及

枯骨古狂生是不狂生

鎌倉懷古

晚香高津仲

多野郡
小野人

陵雲祠樹兩關心往事回頭淚不禁欲問英雄成
敗跡將軍墓上碧苔深

黑保根途上口占

泰船赤堀銘

佐波郡
赤堀人

子規啼度一川奔怪石常灘雪浪翻四繞亂山雲
外景輕烟細雨綠陰村

恭奉勅題賦得晴天鶴

如雲黑田 孝

新田郡
生品人

驩迎春色瑞雲連
仙鶴梳翎意浩然
久矣九臯能
歛翼一鳴初旭直冲天

讀多胡碑

古竹大澤定道

前橋人

羊碑字古起雲煙
聞說斯文禹域傳
護得六朝書
體在巍然魯殿一千年

明治壬寅四月念七日同北山梅村携小學生男

女數十人儼船下東寧至妻沼賦似

霞山田島定邦

佐波郡
島村人

春水盈盈任所之
荇蘋傍岸綠無涯
扁舟分坐童
男女似否徐生採藥時

榛名湖即目

紫洲白石誠夫

群馬郡
室田人

一段春愁誦洛神
仙妃何處羈生塵
微波縹緲驚
鴻遠好駐蘭橈薦綠蘋

謁榛名祠

棠陰木暮禱祿

群馬郡
清里人

一條泉蹴畫橋奔千仞巖擊朱殿尊拜罷神壇人
少立透衣嵐翠冷吟魂

遊妙義山

鶴年岡田 禎

碓氷郡
里見人

危梯一棧鐵繩連峰勢欲飛松倒懸秋冷老猿啼
不住白雲黃葉石門天

笛吹川即事

琴城中島香遠

碓氷郡
原市人

鳥寺蕭蕭磬語殘釣磯無客夕陽寒笛川水落秋
將盡一雁低迷敗荻灘

榛名湖即事

紫雲佐藤眞彦

群馬郡
室田人

湖光山色畫圖看萬頃波平碧鏡寒燕子花開涵
影處疑如神女濯簪冠

自天神嶺瞰榛名湖

湖山原田利雄

群馬郡
室田人

天神嶺路勢崔嵬千里新晴望杳哉湖畔山連天

外秀雨餘烟映鏡中開

望黑髮山

桑陰毛呂 眞

新田郡
世真田人

霜落黃紅楓樹斑白雲生處好孱顏何人求句立

斜照翠黛濃描黑髮山

米陵村春詞

藏六栗原 龜

新田郡
米岡人

春風吹暖過清明勃勃鳴鳩曉雨晴傍水人將蠶

箔洗桑林此日綠芽生

泰奉勅題賦得寄山祝

碧山水谷 龜

群馬郡
倉賀野人

不動如山國運隆鄰邦靡伏旭旗風祥霞搖曳無

邊際一朵芙蓉秀大東

送友人某之歐洲

二堂塚越 定

前橋人

風濤萬里水蒼茫自此迢迢海路長渡口送君斜

日夕飛帆鶻沒大西洋

詠秋海棠

覺堂豐國義孝

勢多郡
大胡人

枉餘春意笑西風綠葉紅葩玉一叢有似斷腸詞
客淚滿天風露立墻東

獨嘯庵口占

回天佐藤晉祿

群馬郡
橫堀人

獨嘯庵頭獨嘯時浩然二字是吾師箇中消息君
看取靜捉玄機入小詩

讀高山操志

木石樋口省私

新田郡
世良田人

鬢髮蓬蓬貌似狂精神煥發寶刀光市橋遙向皇
居拜時達天聞彥九郎

明治戊申復月恭迎鶴駕賦此以表芹誠

松陰神保顯祿

群馬郡
清里人

禁軍演武古毛州劍氣衝天繞斗牛何幸廡城迎
鶴駕臨江一閣博千秋

邊塞詞

靜園問庭文

群馬郡
金古人

夜半披圖出戍城獨探虎穴氣崢嶸雪埋邊壘鞋

無跡風拂征衣劍有聲

秋夜聽雨

雲涯峰

寬

群馬郡
飯塚人

夢覺時疑在錦城春催歌吹七年情放翁詩句如
名偈悟入蕭蕭夜雨聲

登華藏山大悲閣

梅軒武井

佳

碓氷郡
横川人

草草花花恰艷陽大悲閣吟競春粧停筇別見詩
僧立讀罷碑文笑野孃

宿妙義山

柏軒廣瀨

藏

碓氷郡
町屋人

怪石奇巖繞畫屏瀑如星隕夕嵐冥虛廊風送鈞
天樂人在神仙窟宅聽

香山即事

醒軒櫻井忠昌

碓氷郡
八幡人

茶煙颺處午風清一枕遊仙聽玉笙時浴靈泉涼
萬斛人從鎖夏入修生

新田左中將

睡庵松本 茂 前橋人

樹幟勤王首唱中南朝人物見雙忠海潮忽退東
魚沒尙是金刀一擲功

秋日偶成

雪爪鈴木 靖 利根郡
桃野人

九月霜風白屋寒田園秋色轉荒殘獨存晚節香
餘菊立喚家僮置酒看

早春探梅

杏村千葉道琢 多野郡
新町人

步到山隈與水隈春村數里獨徘徊此行疑是如
尋夢看遍前宵入枕梅

謁高山神社

宣言內山 誼 群馬郡
清里人

儼然祠宇萬松中咫尺神前感不窮三寸舌存千
載下高山操志訟孤忠

書感似人

耕桑庭屋 靜 北甘樂郡
西牧人

誤參縣政四星霜一事無成愧選良胸底別藏經

濟策邦家獻替在蠶桑

登妙義山題石門

素洲岡田 三

新田郡
尾島人

石自成門劃翠微洞雲處處白于幃應看小杜停車跡楓葉如燃帶落暉

田家樂示門生某

翠園水原 格

多野郡
美土里人

五風十雨得宜時早稻晚稔針穎垂不識不知謳帝德豐年詞即太平詞

過平井城趾有感

如洗水原 祭

高崎人

權門公子枉談兵關左偏安平井城逋竄何心依不識空教家宰泣忠名

初夏田家詞

弄雲美谷島龍

勢多郡
大胡人

夫向公田頻欲雨婦當桑圃却祈晴一時休怪兩般事也是渾家治產情

讀多胡碑

南風堀口

薰

多野郡
馬庭人

齊梁文字見遺型依約當年墜鶴銘勿謂樹碑奇
跡少彼都人士喚寧馨

題高山仲繩先生墜髮碑陰

雲村武藤幸逸

山田郡
休泊人

潜然淚墮偉人碑慷慨滿腔聽劒時記取九泉魂
未死當年再見漢官儀

偶感贈斗北詩壇

松濤小林

鄉

山田郡
大間町人

風流何物屬詩家夢後呼童汲井華笑道賈盧堪
合傳推鼓倦處試新茶

板倉沼矚目

塵外增田

長

邑樂郡
伊奈真人

西風何處著吟魂一岸烟寒鷺影翻落水夕陽秋
色老敗荷殘柳板倉村

榛名湖即目

葦州清水

浩

新田郡
世良田人

榛名湖畔小亭臺面面青山落酒杯醉唱滄浪欄

一角水烟濃處笛聲來

題老神浴舍壁

關山萩原 文

群馬郡
川島人

鳥道纔通絕壁邊小仙居引小温泉澆紗女伴桃
花面似避人聞火食緣

書草津温泉誌後

櫻軒朝比奈大真

晉妻郡
坂上人

草津湧出好温泉換骨秘方隨處傳仰見白根山
上雪却疑崖樹著啼鶻

遠望妙義山

嵐峽宮田左京

佐波郡
名和人

崔峨靈嶽聳天空夢記羊腸一路通想著石門神
秘在彩雲咫尺達仙宮

詠山茶花

鼎峯大館憲氏

新田郡
綿打人

菊後梅前艷歲華文禽鳴處發仙葩淡妝能守凌
霜節映帶寒村處士家

詠連取松

勁節堪寒不變容
當初風骨憶神龍
宛看老後名臣態
日下朝天健倚筇

露秀平田 恭

佐波郡 豐受人

過金山題養氣樓壁

鷗村荻野唯作

山田郡 休泊人

黃鳥摩空積靄收
青山此日笑容浮
麴塵生處春如酒
呼做吾生養氣樓

秋日郊行

鳳堂町田 勘

佐波郡 島村人

散策柴扉野戶中
黃雲萬頃卜年豐
秋風殘笛斜陽路
笑把旗亭問牧童

碓氷嶺觀楓

芙蓉雨宮 今

碓氷郡 松井田人

峻阪紆回之字通
崇祠金碧白雲中
滿山秋色何邊是
古道楓殘落日風

沼田城覽古

卓堂牛口 龜

利根郡 薄根人

三面臨川剩古城
憶曾名將善談兵
空濠經世良

田變雞上桑巔試午鳴

賦得金山產松蕈

釣舟中村 釣

新田郡
鳥之鄉人

蕈產松根蟠屈中仙家滋味探盈籠
商山勿說靈芝好馥郁芳香獻鳳宮

赤城山上口占

文山金子 長

利根郡
東村人

驟雨何來大洞橫松風捲地作龍鳴
忽浮涼氣天如拭一角青山放晚晴

碓氷嶺看楓

甕泉保阪 新

新田郡
世良田人

林外風帘賣酒家登臨有興夕陽斜
黃深紅淡秋將老能使詩人賦勝花

養蠶詞

赤城關口志行

新田郡
木崎人

夙採柔桑趁早晴荆釵斜處鬢毛橫
蠶兒明日眠多少細檢些些箔上聲

蠶婦詞

鳳山木暮市

群馬郡
白井人

想見羅夫貌宛如採桑陌上結輕裾蠶眠蠶起心如織蓬髮鬆鬆不欲梳

逢重陽憶友

香畦山田貞幾

勢多郡
東村人

恰值重陽淚濕巾舉杯題句獨傳神東籬空剩前
年色簪到黃花憶遠人

題兒嶋高德白櫻樹圖

岸舟高橋

永

群馬馬
桃井人

孤忠揮淚唱勤王白樹詩聯字字香誰使公名歸
小說時儒俗論却荒唐

過戶倉關址有感

翠嶽大澤

浩

高崎人

當年順逆復何論談笑之間勢欲吞借問皇軍誰
將者不教一敵度關門

抵白井村訪雙林寺

鶴陵戶塚舊明

山田郡
相生人

傍邱禪寺隔危橋香火將寒晝寂寥欲吊聖堂絃

誦跡庭中枯木有啼臬

香山雜詩

回山加藤回山

勢多郡
橫野人

家在空濛綠樹間山如太古少人攀一年一度聽
鵲客偷得浮生半日閑

登赤城山拜大洞廟

翠雲菊地翠雲

新田郡
世長田人

太湖開在赤城巔洞穴雲煙接碧天此境人間寧
得管看他空廟奉飛仙

秋日山行

香軒進藤 良

邑樂郡
富永人

鳥趁霜晴促出遊笑移蠟屐訪山樓夕陽多處明
于畫看盡楓溪錦繡秋

岩櫃山懷古

唯洲關

茂

晉妻郡
名久田人

秋著啼猿岩櫃山殘城荒廢夕陽間霜楓亂墜征
袍上憶起當年戰血斑

躑躅岡即事

無絃森 爲雄

新田郡
世良田人

躑躅陵頭罨畫天
酒家簾幙賦啼鶻
鏡中花影斜
陽動印去橈痕別樣妍

題圓珠尼詠月圖

鷓巢高井 直

利根郡
沼田人

月穿楓樹挂山端
恰似錦囊盛寶鏡
奇趣乍牽才
女思圓珠轉出清新詠

新田義貞公

古狂植竹

新

新田郡
世良田人

久拜黃麻在錦囊
葵心戀闕護吾皇
忠魂長祭金山
項義氣猶存生品傍

雨後俄涼

玉堂小屋丈平

新田郡
世良田人

雨過池塘荷氣香
燈痕新上讀書堂
忽聽門外傳
秋信賣與蟲聲風露涼

望妙義山

妙岳田村

德

北甘樂郡
妙義人

白處爲雲紅處楓
畫工不得奪天工
夕陽高挂石

門外疑看巨靈吟半空

展大野遊謙居士墓

太華茂木 高

新田郡
世良田人

報君晦跡亦忠哉誤受冤名太可哀爲世迂儒無
史論不看人薦綠蘋來

詣華藏山觀音寺

竹波里見 橘

新田郡
世良田人

縹緲慈雲寶域開瀾天花散仰高臺溫柔頻乞觀
音力蠶婦將還織女來

詣榛名廟

清齋上原 寅

群馬郡
元物社人

層林蔽日午風橫天半雲開露繡葢仰見廟陰千
尺石好奇誰唱巨靈名

拜群馬郡豐秋村民所奉建駐蹕碑

秋村高橋 常

群馬郡
豐秋人

本地精華不過之羽林將士講兵時松陰咫尺卿
雲爛聖德長傳駐蹕碑

抵太田宿金龍寺

知正松林堂

邑樂郡
館林人

萬株松繞一禪宮
寶塔鈴搖語在空
忽見月前僧
倒鉢金龍躍入碧潭中

過箕輪城址作

靜堂淺田信芳

多野郡
新町人

落木蕭蕭夕日欵
行人揮淚古城池
低回在五留
蹤處剩見零星石上祠

題八幡公過勿來關圖

熙堂久保喜

多野郡
新町人

沙場征戰幾邊功
應列凌煙閣畫中
名將詠同詩
客恬鬢絲愁對落花風

乘附山即事題天然園石

高崎人

竹溪松塢望無邊
紫白藤花競麗妍
此處薰風迎
鶴駕天然園裡見天然

遊廡城登臨江閣

桐坪岡龍忍

勢多郡
下川淵人

層閣臨江夕照斜
詩人得意且停車
秋灣一曲多

楓樹影上欄干艷似花

香山途上

桃陰湯淺貞福

群馬郡
桃井人

秋属登高試賦問菊花開處認香山夕陽逗在童
牛背穿得楓林一笛還

遊澤渡觀大岩瀑

樂山原澤豐作

利根郡
久賀人

老杉^{直直}勢參天境隔塵寰晝寂然飛瀑一條岩
角碎半爲細雨半爲煙

榛名湖畔值雨

不朽新井通

北甘樂郡
宮岡人

洞雲四合忽雷霆浪激前江及後江疑是潛龍上
天去黑風白雨送餘腥

上毛野形名妻

文淵武藤愿

吾妻郡
坂上人

魯陽壯士屬蛾眉此段操戈日可磨若使戍城無
內助良人未必斥蝦夷

栽桑詞

秀竹狩野雅俊勢多郡
數島人
好使卿卿有遠圖
想來諸葛教羅夫
栽桑可抵傳家寶
已見良田八百株

香山客中作

愛竹一色良存

勢多郡
北橋人

白幃儘與白雲齊
夢後憑窓衆嶽低
枕底杜鵑看沒影
物聞橋上月如啼

觀船尾瀑

巍堂入澤

俊

群馬郡
逢川人

雲樹生寒六月天
逍遙此處仰飛泉
題詩何得才飄逸
健美廬山李謫仙

登妙義山憶道士長清

琴城岡田

藤

群馬郡
六郷人

石門高聳勢崔巍
也討仙踪入翠微
牛背道人今不見
似傳神秘白雲扉

恭祝勅題賦得寄山祝

芳州岩瀨

彌

邑樂郡
富永人

無復乾坤聖慮勞
時清東海絕風濤
鶴翔空處卿

雲爛皇德高於富嶽高

迦葉山即事

南湖小林 孝

利根郡
沼田人

紫翠堆間水石清靈禽何處自呼名桃花春淺呈
微笑如看西天古梵城

水澤觀瀑詩

春山齋藤保一

群馬郡
室田人

驟雨痕涼翠壁風大悲閣上架長虹忽看洞窟跳
珠迸百丈銀龍下碧空

川原溫泉浴舍偶成

城陽天野 川

勢多郡
日輪寺人

砌下溪聲草下蟲賞心兩屬一庭中新秋此夕涼
如水仰見銀河澹碧空

憶友寄遠

西州佐藤秀彥

碓氷郡
原市人

昨夜新霜警桂林雲箋雁字向誰吟同心異地猶
稽呂万里相思兩處心
讀甘雨亭叢書

桃陵廣瀨 卯

確水郡
八幡人

等身著述博千秋有似蕭家舊選樓欲奏絃歌聞
國政扇城太守甚風流

赤石城春詞

麓南久保 源

佐波郡
伊勢崎人

夢中裙屐過清明容易東風到賣錫細雨飛花三
月盡傷春恰憶石頭城

明治壬寅五月恭奉迎儲皇鶴駕賦此以

表芹誠

櫻宇狩野光紀

群馬郡
並川人

盛典由來不易逢野人何幸仰儀容無情草木如
相喜瑞氣殊濃御蔭松

遊金洞山

秋古山本祝三

確水郡
原市人

看與九疑峯勢同蓮華朶朶挿青空宛然小李將
軍畫望屬夕陽金碧中

高崎公園感秋即事

梅青生澤 治

高崎人

葉楓花荻月前橫秋入江亭酒易醒太似琵琶彈

切切青衫風露濕蟲聲

壽詞贈篠原太孺人

廉齋細谷敬治

邑樂郡
備林人

傳家寶瑟老躬操譜到關唯手太高少女風前微
帶笑嫁時容色似夭桃

賀家萱八十八初度

香雨篠原 叶

前橋人

晚節超人事有終寶箴扶掖一家風幾看中興先
人蹟半在當初內助功

抵權田村展小栗上州墓

李山千輝 仙

佐波郡
玉村人

殘碑臥地不銘勳落木蕭蕭易夕曛本地遺名不
如馬千金死骨奈夫君

登金山謁新田高山兩祠

斗北星野龜雄

前橋人

廟貌相雙德有隣滿山松籟韵秋旻乾坤鍾得英
靈氣前出忠臣後義人

上毛百人絶句終

明治四十一年十一月十五日印刷
同 年同 月十六日發行

上毛百人絶句奥附

(定價金五拾錢)

著者兼
發行者

千輝仙藏

群馬縣佐波郡玉村町
大字上新田村百八番地

印刷人

篠原叶

群馬縣前橋市
曲輪町百五番地

印刷所

成立舍

群馬縣前橋市
曲輪町百五番地

不許複製

¥5000

天心堂書店

東京都杉並区西荻南2-19-7

☎ (03)3335-6036

跡見学園女子大学短期大学部図書館

☎03(3943)1368



1001819174

